

清・釋行海撰

金山龍游禪寺志（下）

廣陵書社

清·佚名撰

金山江天寺小志

廣陵書社

金山江天寺小志

金山江天寺小志，不分卷，清佚名撰，稿本。

此志所记皆为清康熙，乾隆南巡临幸江天寺事，记录了康熙乾隆御赐之物，及所题扁额，所作咏诗等，余无它。

张智

金山龍游禪寺志畧

金壇綬菴居士蔣超較正

嗣祖比丘鐵舟行海修輯

楚潭叅學門人超智編次

高僧目錄

梁誌公禪師

梁僧祐律師

唐裴頭陀

宋道月禪師

宋幼聰禪師

元長溪深禪師

元元叟端禪師

元月江印禪師

明旅泊問禪師

明縉雲禪師

明空滿禪師

明若水法師

高僧

寶誌

梁釋寶誌金陵人姓朱少出家止京都道林寺師沙門僧儉修習禪觀至宋大始初忽如僻異居止不常飲食無度跣行街巷執一錫杖杖頭掛剪刀鏡布於齊建元中稍見異跡先言後驗士民咸敬事之武帝謂其惑衆收獄又見景陽山猶有一誌與七僧俱常分身三處應供帝知師供侍焉出入禁內求雨雨降食魚魚活上問弟子煩惑未除何以治之誌云十二又問十二之旨誌云在書字時節刻漏中又問何以

金山志卷之二
淨心修習誌云安樂禁如是提持本色家風後秦帝
撰水陸儀文天監同祐律師於金山大會至神化日
奕鐘山之獨龍阜神奇莫測其事甚繁備載本傳

僧祐

梁釋僧祐本姓俞父母世居建業年數歲入建初寺
瞻禮踴躍樂道不肯還家父母憐其志師事僧範年
十四父密爲訪婚祐知避至定林投法達法師師亦
戒德精嚴及年滿具戒執操堅明受業於法穎穎乃
一時名匠爲律學所宗祐乃竭思鑽研遂大精律部
有邁先哲爲帝王見重講律聽衆常滿萬指凡獲信

施修葺建初定林繪繕像好武帝臨川王知師年衰
足疾聽其乘輿入大內爲六宮受戒天監四年奉詔
金山證明水陸儀文極徵祥瑞十七年五月二十六
日卒於建初寺春秋七十有六窆於開善定林之舊
墓註有律學諸部廣行於世焉

頭陀

唐裴頭陀生而穎異胎素不群乃河東裴相國休公
之子也因作文送出家行頭陀行精煉形神清齋一
食六時危坐後來潤之金山塔傍巖洞中每入禪觀
降龍斷臂重興殿宇功成而不知所之宋相張商英

題云半間石室安禪地蓋代功名不易磨白鱗化龍
歸海去岩中留下老頭陀

道月

宋金山道月紹興中岳飛途中得夢到山質問於師
曰夜夢兩犬抱頭而言未審凶吉月曰二犬着一言
乃獄字必要謹慎飛謝登舟月又囑以偈云風波亭
下浪滔滔千萬留心把舵牢謹備同舟人意歹將身
推落在波濤又云將軍此去莫心焦未審金牌氣怎
消滾滾風波須仔細勞心把舵要堅牢飛至錢塘果
被秦檜陷於風波亭下後檜知月囑語差何立提月

正遇說法立候聽已月乃重整衣香問訊大眾合掌
說偈曰吾年四十九是非終日有不爲自己身只爲
多開口何立自南來我向西邊走不是佛力大幾乎
落人手竟怡然坐脫

幼聰

宋澤心寺釋幼聰咸平初獻山圖詔遣內侍藍繼宗
賜大藏經祥符五年詔改山名曰龍游天禧五年又
遣內侍江德明就飾佛像給錢三百萬市木修寺寺
僧求表舊名詔山曰金山寺曰龍游聰師德行人也
長溪

元深長溪不知姓氏往來金山有神跡焉入定僊女散花出定龍子擎鉢大有功於此山虞學士送師還山詩云長溪送到長江上千古金山是寶山晝永獻花天女下夜深持鉢老龍還薩都刺送詩諸天聽法蒼茫際萬佛垂光紫翠間我欲題詩酬道德摩崖常恐雨苔斑

元叟

元元叟端禪師奉旨金山水陸陞座拈香云此香融五嶽之神秀五嶽莫並其高峯九地之精英九地莫窮其深厚熱向爐中端爲祝延大元世界王當今皇

帝聖躬萬歲萬歲陛下恭願懷保小民茂昭大德
本枝百世壽考萬年問答不錄乃云盡不可說不可
說微塵數世界是個金剛正體淨裸裸絕承當盡不
可說不可說微塵數世界是個寶覺真心赤灑灑無
空闕如天普蓋似地普擎如日普照如風普吹無一
時不徧無一處不周無一理不圓無一事不具塵塵
刹刹八面玲瓏物物頭頭十方通暢拈一莖草作丈
六金身將丈六金身作一莖草腹中現百億閻浮提
室內湧三萬二千獅子座七縱八橫千變萬化左之
右之無可不可三世諸佛以此正體以此真心坐寶

蓮華成等正覺津濟四生梯航九有六代祖師以此
正體以此真心開甘露門廣度群品啓迪盲聾炳耀
癡昧奕世人王帝主以此正體以此真心爲生民立
極爲世開太平基拯黎元於塗炭措天下於盤石大
元世界主當今皇帝以此正體以此真心克紹丕圖
續登大寶百億須彌盧百億香水海日月所照風雨
所至悉稟威靈咸歸化育乃至此日特頒聖旨敦遣
使臣就金山古澤心寺照依梁武帝科儀修設天地
冥陽水陸大會七晝夜熟種種香然種種燈營種種
上妙飲食設種種上妙服御金銀珊瑚真珠瑪瑙種

種上妙珍寶而爲供養命僧一千五百員披轉三藏
五乘十二分秘典真詮權也實也頓也漸也半也滿
也偏也圓也交光相羅如寶絲網上以翊衛皇圖下
以資培民本徑山臣僧行端與禪教律三宗耆年碩
德以此正體以此真心欽奉綸言高陞寶座闡揚諸
佛無上奧旨發揮諸佛無上秘傳若幽若顯若聖若
凡若飛若潛若動若植普仗良因均霑妙利四方消
災泯之虞萬姓樂耕桑之業同躋仁壽共享昇平當
此之時理周事徧果滿功圓直下無私一句畢竟如
何擎展擎拂子云化行舜日山川外人在堯天雨露

中復說偈云執尺量虛空終難究其數持蠡測海水豈解知其源吾君本心體廣大亦如是欲求其邊際畢竟不可得吾君之壽量與此心體同欲求其窮極是亦不可得吾君之福源與此壽量同欲求其窮盡是亦不可得太后皇太子嬪妃諸眷屬心體及福源等無有差別一塵一刹一剎一釋迦各現廣長舌共說如上事百千萬億中亦不能及一天人群生類地獄鬼畜等十方諸有情三界衆含識當知此心體本來相如是

月江